

1.6. Procedementos de elección, designación e proposta de nomeamento

1.6.16. Consello Consultivo de Galicia

Acordo da Mesa do Parlamento, do 1 de decembro de 2020, polo que se inicia o procedemento de designación de tres membros electivos do Consello Consultivo de Galicia (10/CCGD-000001)

A Mesa do Parlamento, na súa sesión do día 1 de decembro de 2020, adoptou o seguinte acordo:

1. Iniciar o procedemento de designación de tres membros electivos do Consello Consultivo de Galicia.
2. Abrir un prazo para que os grupos parlamentarios lexitimados formulen as súas propostas de candidatos ou candidatas, que deberán reunir os requisitos previstos no apartado 2 do artigo 3 da Lei do Consello Consultivo de Galicia. O prazo finaliza o día 4 de decembro ás 18.30 horas.
3. As propostas irán acompañadas da declaración de aceptación por parte das persoas propostas, dun currículo asinado por estas que acredite os requisitos previstos no artigo 3.2 da Lei do Consello Consultivo de Galicia e dunha declaración de non se encontraren incursas nas incompatibilidades previstas no artigo 6 do devandito texto lexislativo.
4. Comunicar este acordo ao portavoz do G. P. Popular de Galicia, ao que lle corresponden dous candidatos, e á portavoz do G. P. do Bloque Nacionalista Galego, ao que lle corresponde un candidato.
5. Publicar este acordo no *Boletín Oficial do Parlamento de Galicia*.

Santiago de Compostela, 1 de decembro de 2020

Diego Calvo Pouso

Vicepresidente 1º

3. Administración do Parlamento de Galicia

3.2. Recursos humanos

Instrución da Oficialía Maior, do 1 de decembro de 2020, en relación coas vacacións e os permisos por asuntos propios sen xustificación correspondentes ao ano 2020

A excepcional situación derivada da crise sanitaria da covid-19, xunto co recente inicio da XI lexislatura, deriva no incremento da actividade parlamentaria e administrativa nos últimos meses do ano, xunto cunha acumulación de días pendentes de desfrute por parte do persoal desta Administración.

Xa que logo, en virtude das atribucións que me confire o artigo 9.1b) e f) do Regulamento de organización e funcionamento do Parlamento de Galicia, do 25 de abril de 2018,

DISPOÑO.



1. Con carácter extraordinario, poderánselle autorizar ao persoal as vacacións do 2020 pendentes de desfrutar ata o 31 de xaneiro de 2021, en función das necesidades do servizo.

2. Con carácter extraordinario e en función das necesidades do servizo, o período de desfrute de permisos por asuntos propios sen xustificación pendentes do 2020 prorrogarase ata o 31 de marzo de 2021.

O desfrute das vacacións e permisos pendentes do ano 2020 non será acumulable ao que poida corresponderlle ao persoal no ano 2021, salvo excepcións debidamente motivadas e derivadas das necesidades do servizo.

Santiago de Compostela, 1 de decembro de 2020

Xosé Antón Sarmiento Méndez

Letrado oficial maior

